

ORGANIZA

COHEMPO Tfno. 981 451153.

Horario de 9.00 a 14.00h

ÁMBITO

A campaña é de ámbito municipal en canto ós establecementos participantes.

Poderán participar clientes de calquera lugar.

DURACIÓN

Do 7 de decembro de 2018 ao 5 de xaneiro de 2019.

ESTABLECEMENTOS PARTICIPANTES

Poden participar todo tipo de establecementos independentemente da súa actividade económica, sexa asociado/a ou non.

Considerarase establecemento participante aquel que realice o pago do material promocional.

MODO DE PARTICIPACIÓN PARA CLIENTES

Poderá participar calquera persoa que realice compra ou gasto nos establecementos adscritos á campaña entre o 7 de decembro e o 5 de xaneiro e nos que se cubrirán as papeletas que se lles entregarán ao comprar nos establecementos adheridos a esta campaña.

O cliente poderá identificar ao establecemento participante polo cartel anunciador da campaña.

O cliente deberá cubrir as papeletas cós seus datos persoais (nome, apelidos e teléfono) xa que estes serán os que nos axuden a contactar có gañador unha vez realizado o sorteo .

Os/as empresarios/as participantes na campaña tamén terán dereito a recibir papeletas na súa condición de cliente.

SORTEO

Haberá un único sorteo a celebrar o 12 de xaneiro.

Só entrarán no sorteo as papeletas adquiridas a través da Asociación.

Elixiranse catro premiados máis ós seus correspondentes reserva.

A Asociación poñerase en contacto cós premiados chamando ó número de teléfono facilitado na papeleta.

PREMIOS

- Un premio de 1.000€
- Dous premios de 500€
- Un premio de 300€

Para poder ser entregado o premio por parte do ORGANIZADOR, previamente deberá asinar o gañador unha carta de aceptación do premio, autorizando ao ORGANIZADOR para efectuar no seu nome a correspondente retención e ingreso a conta á que lles obrigan as disposicións legais vixentes.

Reclamación do premio:

A Asociación resérvase o dereito a non ter en conta as papeletas que esteñan deterioradas, ilexibles ou conseguidas mediante fraude, roubo o mala fe.

As papeletas deberán de levar o selo do establecemento.

O sábado día 12 de xaneiro terá lugar o sorteo onde se elixirán ós 4 premiados así como ós correspondentes reservas. Este día a Asociación poñerase en contacto coas 4 persoas premiadas, no caso de non conseguir contactar cós afortunados, realizaranse 2 chamadas máis o luns día 14 e o mércores día 16 de xaneiro. De non localizar ó agraciado, o xoves día 17 de xaneiro chamarase ao/aos reservas correspondentes.

No caso de non aparecer o agraciado dentro dos prazos establecidos a directiva da entidade tomará a decisión que estime oportuna.

Para reclamar o premio a persoa posuidora da rifa terá que presentarse na oficina de COHEMPO, en horario de 9.00 a 14.00h de luns a venres, en caso contrario pódese poñer en contacto coa entidade para concertar outro horario e procederase á comprobación e anotación dos datos persoais.

O gañador do premio pode rexeitalo asinando a correspondente renuncia pasando o premio ao número reserva.

GASTO DO PREMIO

O/a gañador/a terá de prazo 15 días para realizar as compras nos establecementos participantes. Para iso, unha vez feita a verificación daráselle unha lista dos establecementos adscritos e será o mesmo gañador o que leve conta do gasto.

Os premios obxecto da presente campaña en ningún caso poderán ser obxecto de compensación económica a petición do gañador.

Haberá un gasto máximo por establecemento, que será de 150€ por premio e establecemento. No caso de que se exceda do importe do premio o/a gañador/a pode corrixilo gasto ou aboar a diferenza ao establecemento.

Unha vez feitas as comprobacións o cliente recibirá Vales como medio de pago polos importes anotados e deberá entregalos posteriormente nos establecementos elixidos, momento no que poderá levar os artigos se así o permite o establecemento. Será responsabilidade do establecemento deixar levar os artigos con anterioridade.

Os establecementos que reciban os Vales terán que canxealos na Asociación presentando tamén a correspondente factura a nome da entidade para proceder ao pago.

PUBLICIDADE

Na web www.cohempo.es informarse de todo o relativo coa campaña.

Todos os participantes na campaña (establecementos e gañadores) autorizan que os seus nomes (nome comercial no caso do establecemento ou nome e apelidos no caso do/a gañador/a) sexan publicados nos medios de comunicación (prensa escrita, radio e tv local, web relacionada coa campaña e as correspondentes redes sociais) co fin de divulgar a promoción. No caso do/a gañador/a a difusión da súa imaxe será autorizada polo/a afectado/a.

TRATAMENTO DOS DATOS

Conforme ó disposto no Regulamento (UE) 2016/679 de 27 de abril de 2016 (GDPR), consinto que os meus datos sexan tratados baixo a responsabilidade da Asociación de Comerciantes, Hosteleiros e Empresarios Ponteses para as tramitacións oportunas ante as administracións públicas correspondentes para a comunicación dos gañadores e liquidación de impostos, así como para participar no sorteo e enviarme información dos seus produtos e servicios, conservándoos mentres haxa un interese mutuo para elo. No caso de ser gañador do sorteo,

autorizo a publicar o meu nome nos medios de comunicación. Doume por informado de que teño dereito a revocar este consentimento en calquera momento e a exercer os dereitos de acceso, rectificación, portabilidade e supresión dos meus datos e os de limitación e oposición ó tratamento dirimíndome ao Edificio Mercado Municipal, 1º 15320 As Pontes (A CORUÑA).
Email: cohempo@cohempo.es . Tamén estou informado de que poido reclamar ante a autoridade de control en www.agpd.es.

FISCALIDADE

De conformidade coa normativa do Imposto sobre a Renda das Persoas Físicas, os premios están suxeitos a retención ou ingreso a conta, en tanto que a súa contía é superior a 300 Euros.

Como consecuencia do anterior, O ORGANIZADOR estará obrigado a realizar a preceptiva retención ou ingreso a conta do Imposto sobre a Renda do gañador.

De igual forma, para poder ser entregado o premio por parte do ORGANIZADOR, previamente deberá asinar o gañador unha carta de aceptación do premio, autorizando ao ORGANIZADOR para efectuar no seu nome a correspondente retención e ingreso a conta a que lles obrigan as disposicións legais vixentes.

Para ese efecto, o gañador deberá facilitar ao ORGANIZADOR , no prazo máximo de 1 día natural desde que sexa requirido para iso, todos os datos persoais e fiscais que este lle solicite, así como fotocopia do DNI, co fin de que O ORGANIZADOR poida levar a cabo o ingreso desta retención, en caso contrario, entenderase que renuncia ao premio.

Todo o anterior ten como fundamento a normativa aplicable á entrega de premios (artigo 101.7 da Lei 35/2006 do 28 de novembro do IRPF, artigos 75.2c, 75.3.f, 99.1 e 105.1 do Real Decreto 439/2007, do 30 de marzo, polo que se aproba o Regulamento do devandito Imposto).

ACEPTACIÓN DAS BASES

A participación na campaña Merca nas Pontes 2018, implica a aceptación de todas e cada unha das presentes bases, así como o criterio da entidade organizadora na resolución de calquera conflito que puidera xerar a interpretación das mesmas.

Aqueles participantes que incumpran calquera condición de participación incluída nas presentes bases serán excluídos.

A entidade organizadora terá plena potestade para interpretar, aclarar e modificar total ou parcialmente as presentes bases, sen incorrer por iso en responsabilidade algunha.

SOBRE AS BASES

A Asociación e os establecementos participantes terán a bases de participación estando a disposición de calquera interesado.

A participación en Merca nas Pontes 2018, obriga ao establecemento adscrito e aos gañadores dos premios ao cumprimento de todas e cada unha das presentes bases.

A Asociación non será responsable dos danos e prexuízos que se deriven da operativa, excepto que os mesmos sexan ocasionados por unha actuación negligente ou dolosa da Asociación.

A Asociación terá plena potestade para interpretar, aclarar e modificar total ou parcialmente as presentes bases, sen incorrer por iso en responsabilidade algunha.

COHEMPO agradece a todos os participantes a súa colaboración nesta nova edición.